



Ciorclán 0065/2011

**Chuig: Údaráis Bhainistíochta Bhunscoileanna, Mheánscoileanna,
Phobalscoileanna agus Scoileanna Cuimsitheacha Aitheanta
agus
Príomhoifigigh Feidhmiúcháin na gCoistí Gairmoideachais.**

Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile

1. Cuspóir an Chiorcláin seo

Is é cuspóir an chiorcláin seo a chur in iúl d'údaráis bhainistíochta scoileanna go bhfuil, tar éis chomhairliúcháin idir an Roinn agus eagraíochtaí a dhéanann ionadaíocht ar bhainistíocht scoileanna, tuismitheoirí agus múinteoirí, An Roinn Leanaí agus Gnóthaí Óige agus Feidhmeannacht na Seirbhíse Sláinte (FSS), nósanna imeachta athchóirithe leagtha amach maidir le Caomhnú Leanaí i mBunscoileanna agus i Scoileanna Iarbhunscoile agus tá feidhm leo le héifeacht láithreach i ngach bunscoil agus scoil iarbhunscoile.

2. Ginearálta

Tá na nósanna imeachta nua bunaithe ar an gcáipéis a foilsíodh le déanaí [Tús Áite do Leanaí – Treoir Náisiúnta do Chaomhnú agus do Leas Leanaí 2011](#). San áireamh iontu tá feabhsúcháin suntasacha ar na treoirlínte do scoileanna a bhí ann cheana agus tá siad beartaithe deimhniú níos fearr a thabhairt go gcuirfear Tús Áite do Leanaí i bhfeidhm go comhsheasmhach agus ar an tslí chéanna i ngach scoil. Tá achoimre ar phríomhghnéithe nua na nósanna imeachta leagtha amach ag cuid 4 thíos.

Tá na [Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile](#) ar fáil i bhformaid ar líne anois ar láithreán gréasáin na Roinne ar www.education.ie > Child Protection.

3. Tús Áite do Leanaí

Foilsíodh *Tús Áite do Leanaí – Treoir Náisiúnta do Chaomhnú agus do Leas Leanaí 2011* i mí Iúil 2011 agus tá sí ar fáil ar láithreán gréasáin na Roinne Leanaí agus Gnóthaí Óige ar www.dcy.ie. Thug an Roinn sin cóip de *Tús Áite do Leanaí* chuig gach scoil chomh maith.

Ba chóir do scoileanna a thabhairt ar aird, le go mbeidh siad ar an eolas, gur fhoilsigh Oifig Náisiúnta do Sheirbhísí Leanaí agus Teaghlaigh FSS *Lámhleabhar maidir le Caomhnú agus Leas Leanaí* le déanaí, lámhleabhar atá leagtha amach le bheith mar leabhar mear-thagartha chun tacú le hobair oibrithe sóisialta agus chleachtóirí

ábhartha eile, agus iad ag déileáil le cásanna maidir le caomhnú agus leas leanaí, agus chun í a chaighdeánú. Áirítear ann eolas ar nósanna imeachta agus cleachtas obair shóisialta, ó tharchur go measúnú go hidirghabháil. Tá an lámhleabhar sin foilsithe ar láithreán gréasáin FSS ar www.hse.ie.

4. Dáta Éifeachtach

Tá **feidhm le héifeacht láithreach** leis na *Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile* maidir le bunscoileanna agus le scoileanna iarbhunscoile agus tagann siad in áit na dtreoirínte a foilsíodh in 2001 agus in 2004 faoi seach.

Is ar gach údarás scoile ábhartha atá an fhreagracht na socrúithe riachtanacha a chur i bhfeidhm anois le comhlíonadh leis *Na Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile* a chinntiú.

5. Príomhghnéithe nua

Seo a leanas achoimre ar phríomhghnéithe nua na *Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile*:

- Ní mór polasaí maidir le caomhnú leanaí a bheith ag gach scoil agus sin ag cloí le roinnt prionsabail bhuntábhachtacha áirithe den sárchleachtas maidir le caomhnú agus leas leanaí agus ní foláir do gach scoil glacadh go foirmiúil leis na 'Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile' mar chuid de pholasaí iomlán na scoile maidir le caomhnú leanaí agus é a chur i bhfeidhm gan leasú. Leagtar amach teimpléad do pholasaí maidir le caomhnú leanaí in **Aguisín 1**.
- Ní mór an clár Bí Sábháilte a chur i bhfeidhm go hiomlán i ngach bunscoil.
- Socrúithe maoirseachta feabhsaithe a leagtar amach d'fhonn cinntiú go dtugtar Tús Áite do Leanaí i bhfeidhm go seasta leanúnach ar fud earnáil na scoileanna. Tá siad sin tugtha isteach chun na socrúithe maoirseachta atá sna scoileanna faoi láthair a shoiléiriú agus bonn treise a chur fúthu. Tugadh isteach iad leis na socrúithe maoirseachta feabhsaithe atá ann i scoileanna cheana féin a neartú agus a shoiléiriú.

De ghrá na héascaíochta, tugtar achoimre anseo síos ar na coinníollacha feabhsaithe buntábhachtacha maidir le gnóthaí maoirseachta atá á dtabhairt isteach leis an gcáipéis seo. Ba chóir, ina dhiaidh sin féin, gur i gcomhthéacs na *Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile* ar fad a bheadh aird ar na coinníollacha. Ba chóir a thabhairt faoi deara chomh maith nach liosta cuimsitheach seo de na socrúithe maoirseachta sna scoileanna agus go leagtar na socrúithe sin amach go mion sna codanna den cháipéis lena mbaineann siad.

- Cuirfear cóip de pholasaí na scoile maidir le caomhnú leanaí, ina luaitear ainm an DIA agus ainm an Leas-DIA, ar fáil do gach duine d'fhoireann na scoile agus do Chumann na dTuismitheoirí agus ní mór é bheith ar fáil go héasca ag tuismitheoirí ach a iarraidh.

- Ní mór ainm an DIA a bheith ar taispeánt in ionad feiceálach gar don phríomhbhealach isteach sa scoil.
- Chomh maith leis an mBord Bainistíochta a chur ar an eolas faoi na cásanna ina dtugtar tuairisc a bhaineann le leanbh de chuid na scoile do FSS, cuirfidh an DIA údarás na scoile ar an eolas freisin faoi chásanna inar iarr an DIA comhairle ar FSS agus, mar gheall ar an gcomhairle sin, nár cuireadh aon tuairisc ar aghaidh. Luafar líon na gcásanna sin i dtuairisc an Phríomhoide le gach cruinniú de chuid an Bhoird Bainistíochta agus coinneofar taifead mar gheall air sin i miontuairiscí chruinniú an bhoird.
- Ní mór do gach scoil, uair in aghaidh na scoilbhliana, tabhairt faoi athbhreithniú ar an bpolasaí maidir le caomhnú leanaí agus a chur i bhfeidhm sa scoil. Tugtar liosta seiceála le húsáid le linn an athbhreithnithe sin in **Aguisín 2**. Ní mór don scoil plean gnímh a chur ar bun chun aghaidh a thabhairt ar réimse ar bith a d'fhéadaí a fheabhsú a d'aithneofaí faoin athbhreithniú. Socróidh an Bord Bainistíochta go gcuirtear in iúl d'fhoireann na scoile go ndearnadh an t-athbhreithniú. Cuirfear fógra i scríbhinn go ndearnadh an t-athbhreithniú ar fáil do Chumann na dTuismitheoirí (nó sa chás nach ann dá leithéid, do na tuismitheoirí go díreach). Cuirfear taifead maidir leis an athbhreithniú agus le toradh an athbhreithnithe ar fáil, má iarrtar sin, don phátrún agus don Roinn.

6. Ceisteanna maidir leis an gCiorclán seo

Ba chóir aon cheist maidir leis an gCiorclán seo nó leis na *Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile* a ardú sa chéad ásc leis an Duine Idirchaidrimh Ainmnithe nó le Bord Bainistíochta na scoile, de réir mar is cuí.

Ba chóir ceisteanna ginearálta maidir leis an gCiorclán seo a sheoladh ar ríomhphost chuig an Roinn ar schoolgovernance@education.gov.ie

7. An ciorclán a scaipeadh

Ba chóir cóip den chiorclán seo a chur ar fáil do chomhaltaí an Bhoird Bainistíochta agus do gach duine de phearsana na scoile. Ba chóir cóip a chur ar fáil don Chumann Tuismitheoirí chomh maith. Is féidir teacht ar an gCiorclán seo ar láithreán gréasáin na Roinne Oideachais agus Scileanna ar www.education.ie. Tá leagan Gaeilge den chiorclán seo ar fáil ar láithreán gréasáin na Roinne chomh maith.

Hubert Loftus
Príomhoifigeach
Rannóg Rialachais na Scoileanna

Meán Fómhair 2011

Aguisín 1: Teimpléad do Pholasáí maidir le Caomhnú Leanaí **Teimpléad do Pholasáí maidir le Caomhnú Leanaí [Ainm na Scoile]**

Glacann an Bord Bainistíochta leis go bhfuil fíorthábhacht le caomhnú leanaí agus leas leanaí maidir le gach gné de shaol na scoile agus nach mór sin a bheith le sonrú ar pholasaithe, modhanna oibre agus beartaíocht uile na scoile. Dá réir sin, ag teacht lena n-éilítear faoi 'Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile' na Roinne Oideachais agus Scileanna, tá an polasaí seo a leanas maidir le caomhnú leanaí aontaithe ag Bord Bainistíochta [cuirtear isteach ainm na scoile]:

1. Tá glactha ag an mBord Bainistíochta le 'Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile' na Roinne agus déanfar a gcur i bhfeidhm go hiomlán, gan athrú gan leasú, mar chuid den pholasáí ginearálta maidir le caomhnú leanaí.
2. An Duine Idirchaidrimh Ainmnithe (DIA): _____
3. An Leas-Dhuine Idirchaidrimh Ainmnithe (Leas-DIA): _____
4. I ndáil le polasaithe, modhanna oibre agus beartaíocht de chuid [cuirtear isteach ainm na scoile], cloífear leis na prionsabail seo a leanas den dea-chleachtas maidir le caomhnú leanaí agus leas leanaí:
Déanfaidh an scoil
 - glacadh leis go bhfuil fíorthábhacht le caomhnú leanaí agus leas leanaí, gan bheann ar aon cheist eile;
 - comhoibriú go hiomlán leis na húdaráis chuif faoin reachtaíocht maidir le caomhnú leanaí agus cúrsaí leasa leanaí
 - gnásanna sábháilte a ghlacadh chuici féin d'fhonn an dóigh go dtarlódh dochar nó tionóisc do leanbh a mhaolú oiread agus is féidir agus an lucht oibre a chosaint ó chall dul i mbaol nach gá a bhféadfadh gurb é toradh a bheadh air go gcuirfí drochúsáid nó faillí ina leith;
 - gnás ionracais a thabhairt chun cinn le tuismitheoirí agus iad a spreagadh a bheith rannpháirteach in oideachas a gcuid leanaí; agus
 - meas iomlán a léiriú ar riachtanais rúndachta agus í ag déileáil le cúrsaí caomhnaithe leanaí

Cloífidh an scoil leis na prionsabail thuas freisin i ndáil le haon dalta fásta lena mbaineann soghontacht speisialta.

5. Ba cheart an chuid seo den pholasáí maidir le caomhnú leanaí a úsáid chun tagairt go sonrath do pholasaithe, do chleachtas agus do ghníomhaíochtaí de chuid na scoile a meastar go mbaineann siad go mór le caomhnú leanaí (e.g. an Cód Iompair/an Polasaí in aghaidh na Bulaíochta, an Straitéis Tinrimh Daltaí, Maoirseacht ar Dhaltaí, Gníomhaíochtaí Spóirt/Turais Scoile/Socrúcháin oibre daltaí in iarbhunscoileanna, etc.)

Tá sé cinntithe ag an mBord go bhfuil na polasaithe, prótacail nó cleachtas, de réir mar is cuí, curtha i bhfeidhm i ndáil le gach ceann de na rudaí thuasluaite.

6. Cuireadh an polasaí seo ar fáil d'fhoireann na scoile agus do Chumann na dTuismitheoirí (sa chás gur ann dó) agus tá sé ar fáil go héasca ag tuismitheoirí ach a iarraidh. Cuirfear cóip den pholasáí seo ar fáil don Roinn agus don phátrún sa chás go n-iarrtar é.
7. Déanfaidh an Bord Bainistíochta an polasaí seo a thabhairt faoi athbhreithniú uair in aghaidh na scoilbhliana.

Ghlac an Bord Bainistíochta leis an bpolasaí seo ar an _____ [dáta]

Siniú: _____
Cathaoirleach an Bhoird Bainistíochta

Siniú: _____
Príomh-Oide

Dáta: _____

Dáta: _____

Dáta an chéad athbhreithniú eile: _____

Aguisín 2: Liosta Seiceála don Athbhreithniú ar an bPolasaí maidir le Caomhnú Leanáí

Ní mór don Bhord Bainistíochta, uair in aghaidh na scoilbhliana, tabhairt faoi athbhreithniú ar an bpolasaí maidir le caomhnú leanáí agus an liosta seiceála seo a leanas a úsáid chun na críche sin.

Tá an liosta seiceála leagtha amach mar dheis cúnta le linn athbhreithniú a dhéanamh agus níl i gceist gur liosta ollchuimsitheach atá ann. D'fhéadfadh gur mhian le Bord Bainistíochta faoi leith nithe éagsúla eile a bhfuil tábhacht faoi leith leo maidir leis an scoil áirithe sin a chur lena bhfuil ar an liosta seiceála seo.

Mar chuid de phróiseas iomlán an athbhreithnithe, ba cheart don Bhord Bainistíochta chomh maith polasaithe, gnáis oibre agus gníomhaíochtaí eile de chuid na scoile a mheas i ndáil lena gcloí le prionsabail an deachleachtais maidir le caomhnú leanáí agus leas leanáí mar atá leagtha amach i bpolasaí na scoile maidir le caomhnú leanáí.

	Tá / Níl
An bhfuil glactha go foirmeálta ag an mBord le polasaí maidir le caomhnú leanáí atá ag teacht le 'Nósanna Imeachta maidir le Caomhnú Leanáí i mBunscoileanna agus i Scoileanna Iarbhunscoile'?	
Mar chuid de pholasaí na scoile maidir le caomhnú leanáí, an bhfuil glactha go foirmeálta ag an mBord, gan athrú ná leasú, leis na 'Nósanna Imeachta maidir le Caomhnú Leanáí i mBunscoileanna agus i Scoileanna Iarbhunscoile'?	
An bhfuil DIA agus Leas-DIA ceaptha faoi láthair?	
An bhfuil na sonraí comhfhreagrais a bhaineann le hábhar (FSS agus an Garda Síochána) ar fáil go héasca?	
An bhfuil cúrsa oiliúna maidir le caomhnú leanáí déanta ag an DIA?	
An bhfuil cúrsa oiliúna maidir le caomhnú leanáí déanta ag an Leas-DIA?	
An bhfuil aon chomhalta den Bhord Bainistíochta a d'fhreastail ar chúrsa oiliúna maidir le caomhnú leanáí?	
An bhfuil polasaithe, modhanna oibre nó beartaíocht eile de chuid na scoile sonraithe i bpolasaí na scoile maidir le caomhnú leanáí mar gheall go meastar tábhacht faoi leith leo maidir le caomhnú leanáí sa scoil seo?	
An bhfuil cinntithe ag an mBord go bhfuil 'Nósanna Imeachta maidir le Caomhnú Leanáí i mBunscoileanna agus i Scoileanna Iarbhunscoile' na Roinne ar fáil ag gach duine d'fhoireann na scoile?	
An bhfuil socrúithe déanta ag an mBord ionas go gcuirtear polasaí na scoile maidir le caomhnú leanáí in iúl do dhaoine nua ar fhoireann na scoile?	
An bhfuil an Bord cinnte gur cuireadh gach duine d'fhoireann na scoile ar an eolas faoina leagtar de fhreagracht orthu faoi na 'Nósanna Imeachta maidir le Caomhnú Leanáí i mBunscoileanna agus i Scoileanna Iarbhunscoile'?	
Ón tráth a ndearna an Bord an t-athbhreithniú deireanach, an bhfuil aon tuairisc maidir le caomhnú leanáí ar cuireadh in iúl don Bhord ina leith gur thug an DIA tuairisc faoi do FSS nó don Garda Síochána?	
Ón tráth a ndearna an Bord an t-athbhreithniú deireanach, an bhfuil aon chás ar cuireadh in iúl don Bhord ina leith gur iarr an DIA comhairle ar FSS agus mar gheall ar an gcomhairle sin, nach ndearnadh aon tuairisc a thabhairt do FSS?	

	Tá / Níl
An bhfuil tuairiscí maidir le caomhnú leanaí a cuireadh faoi bhráid an Bhoird breactha mar is cóir i miontuairiscí chruinnithe an Bhoird?	
An bhfuil an Bord cinnte go ndéantar na taifid ar fad maidir le caomhnú leanaí a chur ar comhad mar chóir agus a choinneáil i dtaisce go sábháilte?	
An bhfuil cinntithe ag an mBord gur cuireadh polasaí na scoile maidir le caomhnú leanaí ar fáil do Chumann na dTuismitheoirí (más ann dá leithéid)?	
An bhfuil cinntithe ag an mBord go bhfuil polasaí na scoile maidir le caomhnú leanaí ar fáil do na tuismitheoirí ar a iarraidh?	
An bhfuil cinntithe ag an mBord go bhfuil an clár Bí Sábháilte á chur i bhfeidhm go hiomlán sa scoil? (baineann le bunscoileanna)	
An bhfuil cinntithe ag an mBord go bhfuil an curaclam OSPS á chur i bhfeidhm go hiomlán sa scoil?	
An bhfuil an Bord cinnte gur comhlíonadh coinníollacha na Roinne maidir le grinnfhiosrúchán de chuid an Gharda Síochána i ndáil le gach duine d'fhoireann na scoile (fostaithe agus oibríthe deonacha)? *	
An bhfuil an Bord cinnte gur comhlíonadh coinníollacha na Roinne maidir le dearbhú reachtúil i ndáil le caomhnú leanaí a chur ar fáil agus maidir le geallúint bhainteach a thabhairt, i gcás gach duine a ceapadh i bpost múinteoireachta nó i bpost nach post múinteoireachta atá ann?*	
An bhfuil an Bord cinnte go mbíonn, ó thaobh cúrsaí caomhnú leanaí de, nósanna imeachta críochnúla á gcur i bhfeidhm ag an scoil i gcúrsaí earcaíochta agus roghnúcháin i ndáil le lucht foirne iomlán na scoile (fostaithe agus oibríthe deonacha)?*	
An bhfuil an Bord cinnte go bhfuil na 'Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile' á gcur i bhfeidhm go hiomlán agus go leordhóthaineach sa scoil?	
An bhfuil sonraithe ag an mBord go bhfuil gné ar bith de pholasaí na scoile maidir le caomhnú leanaí agus / nó a chur i bhfeidhm ar gá feabhas breise ina leith?	
An bhfuil plean gníomhaíochta lena n-áirítear tráthchláir oiriúnacha curtha ar bun ag an mBord d'fhonn dul i ngleic leis na gnéithe sin de pholasaí na scoile maidir le caomhnú leanaí agus / nó a chur i bhfeidhm ar sonraíodh gur gá feabhas breise ina leith?	
An bhfuil cinntithe ag an mBord go ndeachthas i ngleic go leordhóthaineach le haon réimse ar sonraíodh le linn athbhreithnithe roimhe seo ar pholasaí na scoile maidir le caomhnú leanaí go bhféadfaí feabhas a dhéanamh ina leith?	

*I scoileanna ina bhfuil an Coiste Gairmoideachas ina fhostóir, is ar an gCoiste Gairmoideachais atá i gceist atá an fhreagracht na riachtanais sin a chomhlíonadh. Sna cásanna sin, ba chóir an cheist sin a chur i gcrích ar dhul i gcomhairle leis an gCoiste Gairmoideachais.

Síniú _____
Cathaoirleach, An Bord Bainistíochta

Dáta _____

Síniú _____
Príomhoide

Dáta _____

Fógra i ndáil le hAthbhreithniú an Bhoird Bainistíochta ar an bpolasaí maidir le caomhnú leanaí

Chuíg: _____

Is mian le Bord Bainistíochta _____ a chur in iúl:

- Go ndearnadh athbhreithniú an Bhoird Bainistíochta ar pholasaí na scoile maidir le caomhnú leanaí a thabhairt chun críche ag cruinniú an Bhoird ar _____ [dáta].
- Go ndearnadh an t-athbhreithniú seo de réir an liosta seiceála a leagtar amach in Aguisín 2 le 'Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile' na Roinne.

Síniú _____
Cathaoirleach, An Bord Bainistíochta

Dáta _____

Síniú _____
Príomhoide

Dáta _____